

崇陽縣志卷六目錄

職官志

知縣 代署分載

學官 教諭訓導牙表合傳

佐俸 主簿廢 典史 巡檢

武弁 把總廢 千總 外委千總 外委把總

崇陽縣志

卷六職官 目錄



崇陽縣志卷六

雷封是寄星好攸關琴臨雋水案對崇山北亭鐸
振東郭弧變咸遵臣法益懍

后艱志職官

知縣

周官縣有正各掌其縣之政令尚書作雒篇云縣
邑之長曰宰曰尹曰令曰大夫春秋晉謂之大夫
魯衛謂之宰楚謂之令尹其職一也秦漢晉宋唐
皆曰令長漢秩至千石晉制大縣令有治績官報
以大郡不經宰縣不得入爲臺郎宋制縣令銅印

崇陽縣志

卷上八職官

知縣

墨綬隋增大興長安河南洛陽四縣正五品他縣
皆以所管閑劇衝要爲等級唐有赤畿望緊上中
下六等京都所治爲赤縣旁邑爲畿縣餘則以戶
口多寡資地美惡爲差宋始改令爲知縣掌總治
民政民有水旱流亡則撫字安集有孝弟行義聞
於鄉閭者具事實上聞元名達魯花赤掌縣事卽
知縣也明仍稱知縣視任六事一吏二戶三禮四
兵五刑六工敷二治曰政曰教歷考往史惟北魏
北齊令長多用廝濫士流恥爲之餘則無不貴專
城之職重臨人之要如元文遙所云也

至朝統一與圖鑒觀前代守地親民非人不任簡則部
銓要則題調務求無曠厥官將爲

國史循吏傳廣召父杜母之目慎重其選也固宜崇
地梁置郡陳改州太守刺史之名不見史冊漢下
雋縣令益荒遠難稽舊志只載李唐以來亦不能
詳也宋時崇陽號稱難治遴選最嚴以乖崖開先
故名宦接踵元達魯花赤傳者絕少勝代及

國朝則赫赫多有聲矣道光間改簡爲要比於江夏
驥足牛刀不嫌小試盤根錯節益顯良工光我志
乘不大有人在耶奈邇經兵燹乾嘉時歷任姓氏

崇陽縣志

卷上八職官

知縣

文獻無徵多所遺佚不能無憾姑闕以俟考舉聞
見所及者列諸編

唐唐年縣令二人

鄭迪滎陽人舊志列南唐誤

溫遷約有傳

溫遷約字從禮其先唐世臣乾符六年黃巢陷鄂
州遷約自長沙糾義旅鎮唐年賊不敢犯邑賴以
全僖宗嘉其勞授縣令凡十有三載功德及民最
久歷官檢校司空鄂州制置使兼知鄂州卒葬唐
年邑人祠而祀之識其墓宅遺墟云
後唐縣令一人

陸名長興二
年任

南唐縣令一人

楊文檢保大五年任

宋知縣十九人

張詠有傳

崔遵度有傳

歐陽晔有傳

段少連有傳

王欲元豐三年任

李涓有傳

錢師仁有傳

陶楸隆興二年任

王概有傳

留清卿紹熙間任

任希夷有傳舊志序次誤

劉煥有傳

崇陽縣志

卷上八職官

知縣

三

蔡觀舊志序次誤

陳仲微有傳

耿宜中有傳

尹穀有傳

王嘉福

陳彧

陳建勳附陳仲微傳

○舊志於尹穀後列蔡

觀魏濟王嘉福陳彧概云德祐時任考德祐在位

只二年不應更四五令諸姓名俱見桃溪百詠注

細核之則蔡魏係誤列而王陳亦當闕疑

張詠字復之鄆城人宋太平興國五年進士以大

理寺評事出令崇陽王禹偁為序送之云今之縣

尹古之諸侯秦郡天下小國皆化為縣縣有政聽

郡條而後行縣有長觀牧守而後動秩卑祿微弗
足自庇固不暇使風俗之移易逮乎炎漢隆興始
有重外之旨故命郎官出宰百里之邑秩四百石
尊其位厚其祿蓋欲分君憂而求民瘼也由漢而
下邑官益卑故梁竦有徒勞之言淵明起折腰之
嘆儕胥伍吏區區於風塵間遂使抱王佐者恥而
不居黷貨利者稔而自處苟縣政有缺率曰吾將
罷茲邑而適他邑烏用革焉縣人有病亦曰吾將
舍此民而涖他民烏用易焉觀其視一邑及一邑
之民若行客之宅邸舍也待旦而去固無所惜風

行雷同浸以成俗良由國家小親民之任輕字人
之官所致也將極其弊聖人孰能制乎宋天王嗣
位之五載親選貢士分甲乙科中甲科者通理郡
事乙科者專任縣政尊以廷評之位重以使者之
車縣政有缺得以擅革縣人有害得以專易旣革
且易不康何待詩所謂能官人者豈獨美於文王
乎清河張詠字復之本宅九河閒少有奇節釣魚
侍膳外讀書無虛日秉筆爲文落落有三代風今
春舉進士一上中選將我主命涖乎崇陽分君之
憂使帝心休休乎求民之瘼使民心熙熙乎江淮

之南郡大惟鄂鄂人得賢亦孔之樂波映鸚鵡煙
藏鶴樓白雲芳草思古悠悠堂有鳴琴足以振穆
若之風尊有醕醪足以養浩然之氣惟江湯湯鑑
其襟袖惟山峩峩媚其戶牖鱸得魴鱸果多橘柚
吏隱於茲足保無咎且優且游勿爲江山羞復之
勉旃云爾詠性剛方令崇撫良祛奸訓民以義歲
勸農耕嘗坐北峯亭望平疇如卦茂灌溉之利乃
鑿山通渠引白泉水注之遂成沃壤事詳陂塘志
中山民業種茶詠曰茶利厚官將權之不若早自
異也命拔茶植桑民初以爲病其後權茶他縣皆

失業而崇陽桑成歲出絹百萬匹民利賴焉又嘗
詰鄉民入市買菜曰爾居田里不自食力何惰也
笞遣之自後人皆置圃種蘆菔稱知縣菜崇陽自
五代來胥吏跡弛剥百姓凌官長了無忌憚至宋
時餘風未革一日吏自庫中出詠視其鬢間著錢
詰之庫中錢也命杖吏吏抗辯曰一錢何足道能
杖我不能斬我詠援筆判云一日一錢千日千錢
繩鋸木斷水滴石穿自仗劍斬之申臺府自劾境
內肅然詠少學擊劍任氣不拘小節雖貧賤客遊
未嘗下人別號乖崖畫像自贊云乖則違俗崖則

絕物乖崖之號聊以表德歷仕所至皆有聲轉工
禮二部尚書出知陳州卒謚忠定功績詳宋史其
仕成都也蜀人懷其德於六月二十六日生祠諸
仙遊閣崇民效之亦於美美亭祀焉嘗在朝與羣
僚公會忽假寐沈酣同輩詫問之詠曰吾今日初
度適崇陽之民以杯酒相祝故微醺耳其精誠相
感如此至今崇陽稱賢尹必曰張乖崖名宦及羣
賢祠外復有專祀詳壇廟志中

崔遵度字堅白淄川人七歲好學登太平興國進
士澹化中知忠州李順餘黨攻城坐失守貶崇陽
令旋移鹿邑後遷太子中允

歐陽晧咸平三年進士監興國酒稅徙洛崇陽崇
素號難治縣民王明與同母兄李通訟產累年明
不能自理貧至爲人賃春晧至折以一言取其貲
鉅萬歸明而通無怨言晧嚴明方質尤以廉潔自
持自爲布衣非義不受人遺親舊貴盛終身不造
其門其澹官臨事長於決斷歐陽修盛稱之邑祀
名宦

段少連字希逸開封人美姿表倜儻有識度仁宗
時由秘書郎出任崇陽通敏才決大小事不爲權

貴所屈崇稱劇邑張乖崖以往政令嚴明惟少連繼其風迹後仕至殿中待御侃侃正色遇事敢言郭后之廢以直諫聞天下邑祀名宦

李涓字浩然南豐人駙馬遵勗曾孫初蔭殿直靖康元年由通直郎出任崇陽時金人犯京欽宗檄召天下勤王時鄂七邑當發兵三千一作二千九百皆未集涓憤激獨以所募六百人往或曰安可以寡先嘗也涓曰事棘矣當持一信報天子爲東南義旗倡然應募多負販子不閑戰陣乃盡出家財易牛酒犒之曰我知力不敵顧受國恩厚惟有死耳若

崇陽縣志

卷上八職官

知縣

五

曹知法乎失將者死均之一死死國揚名男子不朽事也衆感泣即日引而東北過淮蔡蒲圻嘉魚兵始至天大雪遇敵遊騎涓馳先犯其鋒下皆蒙鹵盾徑進頗殺其騎敵卻走乘勝追北十餘里敵騎大至飛矢蝟集蒲嘉二縣兵舍去涓被創猶血戰大叱左右掖戰死之年五十三士之死者十之七上官忌之脇殘卒誣涓逃明年金兵去蔡人以喪歸朝廷錄其忠贈朝奉郎官其三子一子南渡後知縣陳仲微奏祠專祀賜額忠顯并祀名宦錢師仁紹興間任有惠政邑西北白泉陂經建炎

亂蕪廢不治師仁鳩工修葺之民戴其德祀名宦
王漑字巽澤乾道間任文章政事俱敏捷立白泉
陂條約民甚便之公暇喜談禪自號無一居士邑
祀名宦

任希夷字伯起邵武人朱子門人嘉泰閒任有善
政袁名勝嘗重建北峯香霽諸亭多所題詠自署
衙齋曰吏隱後官參知政事謚獻宣

劉煥寶慶初權縣爲民籌水利修理遠陂重別其
溝洫石規陂舊用木瀦水以石易木自煥始焉

陳仲微字致廣號遂初瑞之高安人嘉泰二年進

士溥祐間知崇陽縣性忠勤寢食公署日與田父
樵豎相爾汝下情畢達吏胥無所措手嘗修石規
陂復遠陂撤白泉故陂易以堅石以澮寫水以防
止水鑿石爲塌以分水爲邑籌久遠利民咸德之
又以餘閒修理近郭亭館諸勝迹流風善政歷久
猶傳官至吏部尚書厓山兵敗辟地安南宋史稱
其天資篤實雖生富貴而惡衣菲食自同窶人故
能涵飫六經精研理致於學無所不通時稱文溪
先生卒安南有絕命詩邑祀名宦仲微去崇後有
陳建勲者亦嘗知崇陽縣事係仲微裔云

耿宜中咸淳六年任識趣高遠以培植人才爲務
邑西郭外朱紫臺張乖崖建美美亭其上宜中相
其形勝可收山川之秀依亭旁建靈應觀祠梓潼
撥田贍道士爲經久計越明年辛未適當大比邑
士預計偕爲多奏藝春官再登者三當時傳爲盛
事

尹穀字務實號耕叟潭州進士性剛直莊厲初處
郡學師友皆嚴憚之德祐初由常德推官令崇陽
廉正有聲未幾丁艱歸元兵圍潭州穀爲李芾參
謀城將陷縱火自焚死芾嘆曰務實男子也先我

崇陽縣志

卷一 職官

知縣

九

就義矣崇民欽其節祀各宦

元達魯花赤三人

魏濟舊志列宋誤

卜顏敬蒙古人秦定間任

楊文煥至正間任

明知縣六十一人

胡興福有傳

楊伯成有傳

顧華有傳

元俊有傳

楊泰有傳

孔禧有傳

駱士廉有傳

李善有傳已上洪武

虞宗福建順昌貢

朱履平

丁瑄正統

焦玘有傳

廖忠陝西歲薦天順六年任

申廣定州人成化九年任

劉信有傳

趙弼有傳

宋昂浙江舉人成化二十三年任

李信泗州歲薦宏治四年任

胡濬婺源舉人十一年任

李銳有傳已

尤弼無錫舉人正德元年任

張瑞有傳

張珮有傳

姚甯吳縣監生十二年任

王穀江安舉人十六年任

程賢有傳已

陳恩靖安舉人嘉靖九年任一月

李炤有傳

杜桂長甯舉人十年任

阮復初華陽舉人十一年任

崇陽縣志

卷上八職官

知縣

十

王儒嘉興舉人十二年任

沈崇有傳

尹廷用中江歲薦十九年任

袁卓分宜監生二十三年任

易貞元有傳

楊道南閩縣舉人二十八年任

施霖有傳

毋權巴縣舉人二十九年任

鄭一鳳有傳

龐瑜南海舉人四十一年任

舒洪化富順舉人嘉靖四十二年任

胡秉性有傳

周應中有傳已

王學曾有傳

宋興祖有傳

李樹聲南海舉人十五年任

陳洪烈有傳

王晔雲南舉人二十一年任

鄧以誠新建舉人二十四年任

王元吉雲南舉人二十八年任

杜宗彝 有傳

張 滙 仁利貢生舊志序次詳

李李冲 有傳

聶有聲 有傳

周世賞 華陽舉人萬曆四十七年任

李鵬程 華亭舉人天啓四年任

魏光前 遂平貢生七年任

徐應問 南昌舉人崇禎三年任

強兆龍 有傳

蔣應仔 山陰保舉十二年任

李方曾 有傳

胡興福邑人洪武甲寅以明經任時經元季兵燹

衙宇皆其剝建招集流亡撫惠瘡痍百廢皆舉民

不知勞卒祀名宦

楊伯成浙江龍泉人洪武間任時邑初開墾田畝

崇陽縣志

卷之八 職官 知縣

上司建議欲倣長沙例起科伯成以耆民楊朝宗

等言上聞稱山田磽确非長沙沃土得竟畝三升

八合輸稅著為令崇百世賴之嘗勉民造舍宇曰

亟為之無失時我在此能量免差役以待汝成也

一切政令便民皆類是崇人懷其德祀名宦

顧華浙江平陽人以秀才授太常寺祀丞改工部

主事洪武丙辰任有善政嘗作靜思亭記

元俊字世臨河南人洪武丁巳任政多興利民事

元季兵戈後石硯陂廢農人失業後始復其舊詳

張賓記邑祀名宦

楊泰陝西渭南人歲薦洪武中任陞平憲賦役
適均凡有修舉務在與民休息甚得民心尋以報
政去者民陳秀等詣闕乞留三年任滿邑士宋忠
復請留不允調山西翼城令遺愛在崇久益勿誼
祀名宦

孔禧山東章邱人洪武間任操履端潔莅事剛明
吏民不能欺在任九載陞應天府沿中

駱士廉浙江山陰人進士洪武中任操守廉介撫
字有方吏民悅服秩滿陞夔州同知歷交趾太原
守

崇陽縣志

卷十八職官

知縣

十一

李善將樂人歲薦洪武中由靈山調任平易簡當
愛民如子陞江川同知致仕家於崇壽終葬邑西
一里許邑人思其惠歲時致祭焉

焦玘真甯人歲薦景泰丙子任果決明斷吏胥不
敢欺撤署宇廣大之民不以爲厲天順庚辰有虎
害玘禱於城隍虎自斃爪遷北京兵馬司指揮邑
祀名宦

劉信字明節南溪人進士成化丙申任剛毅威嚴
嘗戮人於市勤課農桑暇則授易生徒徵拜御史
歷粵東參政歿於王事贈嘉議大夫蔭其子邑祀

名宦

趙弼太和人進士成化壬寅任政尚寬簡恤民隱
葺學宮立里社以教子弟性甘澹泊食脫粟飯味
不具肉其幼子每索肉泣或聞而饋之弼拜卻不
受曰仕非爲肉食也六載以憂去父老遮道不忍
舍後知邯鄲厯太僕寺卿劉大夏爲詩美之其操
守始終一致云

李銳字抑之安福人進士宏治辛酉任時土官武
斷銳至伏謁道傍銳不爲禮遂貼然屏迹性廉明
正直胥吏敬憚不敢欺注意學校朔望必與諸生

論難多所鼓舞斂於治事區畫邑政井如也嘗恢
展城垣廣袤隨所指而定靡不適宜冬行阡陌督
修陂塘編列卯法後令皆遵之邑故無公儲銳曰
餘一餘三以禦荒也今民食僅爲旦夕計脫有凶
年將奈何乃於四鄉置五倉積穀備賑事詳食貨
志後去任數年爲正德己巳邑大荒藉延活者甚
衆至嘉靖甲辰歲旱父老言安福李公則箴箴泣
下德澤及民之深如此涖崇凡五載徵拜工部主
事仕至廣東參政嘗守泉州爲治一如涖崇時
書林俊頌其政績云良二千石殿我溫陵威行

從是戒是懲參政廣東以征徭事與督闕議不協
遂疏終養不俟命亟歸歸則督耕力圃理魚沼字
畜牧以養親安之若素其鄉人鄒祭酒守益稱銳
介特有古風云崇祀名宦

張瑞籍貫未詳舉人正德戊辰任爲政平易勤恤
民隱歲大荒出前令李銳積穀賑之分給適均吏
胥不敢作弊全活甚多連年盜發出沒不常擒緝
有術盜平陞開封府判

張珮字儒佩新淦人舉人正德甲戌任廉敏任法
折挫豪右扶植貧民門屏吏卒謝絕請託以事至

崇陽縣志

卷之八職官

知縣

十四

庭者無不戰慄調蒲圻歷陞工部主事

程賢字子昭樂平人正德庚辰任時吏治肅清賢
猶自飭故家有馮節婦者賢捐官地居之其維持
風化多類此

李炤浮梁人舉人嘉靖庚寅任爲治一準古循吏
不察而明不刑而威不施恩而民自潤踰年以憂
去

沈崇涪州人歲薦嘉靖丙申任制行醇雅爲政寬
仁居官無赫赫名實著循良之績去之日崇民遮
道攀轅畱之

易貞元字會侯臨桂人舉人嘉靖丁未任廉介自持遇事不苟尤恤孤弱禁彊禦步禱乳山應時澍雨調平江歿於官崇民受其惠者匍匐致哀焉

施霖長洲人舉人嘉靖己酉任爲政不擾吏不催科閭閻雞犬晏然不驚當時治績罕有其匹

鄭一鳳字少梧晉江人舉人嘉靖丙辰任先是邑令以事嗾鄉紳效杜正倫鑿杜固故事斷斷崇洪鰕魚石崇人病之又邑小民訟勢家令多右勢家有矯之者專主扶弱又輒中奸民計折獄每不平一鳳至問治崇要術於邑中丞劉景韶景韶報書

云吾崇近稱難治多歸咎於衣冠之輩不知前此官府一意持鄉士夫之短以覲樹威示衆故鄉士夫亦以人之持我者相持互搆不休到頭總閒氣兩底無益愚見謂明府惟視理以爲可否如理在士夫未可避嫌理在百姓未可徇勢中間果有大豪不逞者肆力一擊卽置之法不假借亦不追往惡如此則不惟小民懷德而士夫亦當守令矣非眞神君哉一鳳得書常置座右遇事廣所咨詢決獄鮮偏私焉

胡秉性信陽人舉人隆慶戊辰任才優綜理嘉意

青衿振興書院助寒生膏火捐俸置學田請旌節
婦谷氏邑風教賴扶持焉萬曆元年行取御史
周應中會稽人進士萬曆丁丑由真定調任才敏
性決案無留牘公庭震肅豪猾重足而閭閻安堵
修城有法無煩民力履畝均賦秋毫無犯雖食淡
茹苦櫛沐風雨不自謂勞也其魚鱗大坵歸戶由
單井然有條戶丁有冊四差有冊什物有碑清釐
積弊爲編戶規久遠詳見食貨志中去任之日民
思之爲立生祠後官四川與葉春及俱著循良聲
巡撫艾穆舉以自代稱其行義過人疏上雖不報

時論趨之

王學曾字唯吾別號省軒南海人進士萬曆己卯
任時邑均賦未就城工亦未竣學曾至始蒞其事
性明決練達機宜區畫周悉務歸精妥利賴不止
一時公暇即課文作士多所啟迪農隙巡行田野
修理陂堰士民胥戴之邑嘗不戒於火學曾整衣
冠拜禱反風滅火時稱異焉十一年行取南御史
邑人留之不得立去思碑載建置志

宋興祖漢州人進士萬曆甲申任器度寬大重士
愛民不假聲色而民懷畏尊以憂去

陳洪烈字復泉光山人進士萬曆戊子由長陽調任風裁自勵畱心民瘼邑舊有便賑倉歲久浸廢洪烈至復建義倉十二所下令勸民出穀實之明年值凶荒民賴全活立講約所註皇祖六諭附二十六條刻書曉民月旦集約所宜講民風丕變詳見食貨禮儀志中續編邑志論列崇邑利病切中要肯修理陂堰俱有成勞邑人視爲準則及今遵之

杜宗彝字溇洽上海人舉人萬曆甲辰任喜興水利請發廩粟建馮家堤整理石硯陂有功士人立

祠祀之任滿擢夷陵州知州

李冲鶴慶人舉人萬曆丁未任修治白泉陂勒石分水使歸於一石硯之役踵杜宗彝後有成勞士人並祀之曰二侯祠

聶有聲字思文宜賓人舉人萬曆甲寅任畱心經濟凡所興革必有裨於民崇自鰕魚石鑿後科第日稀有聲建崇洪礪以補陷邑人德焉

強兆龍無錫人舉人崇禎乙亥任舊例有火夫及打手之役令市民更番入衛又令白役橫行里閭任其需索以不費公家一粟爲辭兆龍下車撤火

夫設防兵所予工食取諸俸餘及舊規中節省者積困以甦民爲勒石

李方曾字角月仁壽人舉人崇禎壬午任憫時危殆心存拯救邑舊有胡劉諸大家絕糧編累同甲代賠徭役多有不均至是編散通邑數十年之困始甦癸未甲申間獻賊嘯據崇山往來不時方曾守土自誓

國朝順治二年大兵下武昌方曾與邑紳汪柱趙繼抃等謀起勇相拒教官周生文脫逃赴省請大兵入崇陽時大雪嚴寒方曾同蒙正發孫嗣濟夜走

崇陽縣志

卷之八職官

知縣

十六

邑西摩旗峯三日不得食聞道由通城達長沙投督師何騰蛟行營備極勞瘁未幾病卒

明代署知縣十一人

黃直 有傳

金文默 有傳

鄧之松 有傳

王可賓 南漳令萬曆二年在

譙田龍 有傳

張問仁 有傳

張仕可 有傳

李獻可 同安人進士府推官

吳炳 江南進士蒲圻令後官大學士

孟良範 有傳

陳美 江西舉人布政司理問

黃直字以方金谿人進士嘉靖閒以沔陽州判署

崇陽持躬清苦徵糧躬自督收不令困民以事
詔庭諭以道義不用刑威衆皆悅服未幾丁外艱
歸直受業王守仁應會試主司發策極詆陽明之
學直不阿主司意編修馬汝驥奇之力薦登第後
以事成雷州衛赦歸貧甚妻紡績以給朝夕不能
隨俗浮沈蓋其素操云

金文默京山縣丞署崇陽二次捐貲修學一切措
置曲盡民情

鄧之松字玉臺萬曆癸酉以別駕代理方旬日積
牘迎刃以解上官將城崇屢議不就之松至規模

崇陽縣志

卷六職官

知縣

十九

始定解職之日邑人作去思卷見藝文志

譙田龍南充人舉人萬曆乙亥由通山知縣加興
國知州銜攝理崇邑事性勤敏築城有勞民愛戴
之

張問仁晉江人進士由戶部主事調興國同知萬
曆十一年署崇陽文章德器俱優均平里甲井然
有法

張仕可涪州人舉人武昌府同知萬曆十四五六
年凡三署崇陽與民親洽如家人父子刻賦役全
書自爲序載食貨志

孟良範字維九陝西鎮番衛人拔貢崇禎庚辰以咸甯令署崇陽時加派田賦吏胥借以行奸良範爲清算歲浮科不下一千七百餘金乃梓賦役易知冊使民間盡曉規則南北糧餘米一切蠲免又爲減胥隸平出納曩時民間米十斛僅得輸其五至是弊竇始杜功令遼米取自正餉數十年間復斂民以實額浮取萬石有奇絹差爲厲十餘年抑減絲價扣解費徵樣絹一切如餘米例良範悉除其弊又除崇洪上下舟楫私權之費凡公門私謁一切屏謝秤無溢耗案鮮深文署崇數月調任羅

崇陽縣志

卷上八職官

知縣

二十

田崇士庶叩上臺請留不得爲立德政碑頌曰滄溟易枯丹邱易赤樂只君子永懷無射煌煌令猷具瞻咫尺有不遵侯之規以嘉惠吾崇者請視此石

國朝知縣

王念藻

長治舉人順治二年任

馬士鯤

有傳

翟善

陽和人貢生順治八年任

賈漢誼

有傳

賀人龍

有傳已上順治

白養正

山出蘇州貢康熙十六年任

高景之

有傳

蔡興鎬

有傳

金藤祖

有傳

李特生

有傳

石如璉 有傳

張 悖 有傳

何嘉儒 有傳

胡 俊 有傳

陳世蔭 有傳

高 位 有傳已
上康熙

侯 爵 有傳

張 慄 有傳

林日燭 有傳

趙 楠 字莪懷山東汶
上人舉人九年

辛亥
任

李五愷 有傳

黃 袞 有傳已
上雍正

胡式璟 字少宋鑲白旗
漢軍人監生援

例捐知州乾隆七年以候
缺署九年實授升鶴峯州

孫廷權 字中聖浙江海
鹽人舉人乾隆

九年任調
咸豐縣

宋 鋒 有傳

曹學詩 有傳

謝奉璋 有傳

崇陽縣志

卷六 職官 知縣

曾 忠 有傳

張其章

夏 瑚

張鴻運

王沛膏

張五絨 字蒲壁陝西蒲
城人能左書

翟永鏞 四十五
年任

沈 闕 各四十九
年任

馮 瑞

馬尚襄

屈振甲

劉運浩 巴陵人
進士

晏善澄 有傳

鍾 昂 五十九年任
已上乾隆

孫邦憲 貴州舉人嘉
慶二年任

徐雲慶

曾翁受 有傳

李夢珠 有傳

梁有源 廣東解元
七年任

范繼昌 有傳已
上嘉慶

趙秉瀄 有傳

符其珍 有傳

朱清標 字梅巖浙江海甯人監生道光十一年任

王觀潮 有傳

折錦元 舒庵山西陽曲舉人十七年任

師長治 有傳

金雲門 有傳鹿啓烈有傳

韓寶昌 有傳

福昌阿 有傳已上道光年

韓印海 夢雲浙江平湖人監生成豐二年任

高佐廷 字小川廣東廣州府順德縣人道光壬辰科副榜前肇慶府封川縣教諭軍功保舉

選授湖北漢陽府漢川縣知縣見調補崇陽縣知縣即補同知直隸州知州

職官表道光壬寅志稿已不能詳兵燹以來此卷

失去迄今又二十五年矣詢之老吏約略能舉數

崇陽縣志

卷六職官 知縣

人大都忘其籍貫又有闕名者乃得之民間讞案

山寺榻額及邑人詩稿中如嘉魚知縣吳字霖川

嘗署崇 載代見吳世雄龍潭一勾吟其名未之注

嘉志或可參考而邑無其書故亦闕如後世尙文

飾字而不名往來投贈於禮固宜乃至付梓傳世

之詩文一切避諱代遠年湮卽在同鄉亦多恍惚

矧逆旅過客鴻爪雪泥宦迹易陳乎夏五郭公存

以俟補志例如是若夫不藉書志而存自能使斯

民口碑心銘歷久弗誼是又在司牧者深維其故

也

馬士鯤字起北壽張人選貢順治戊子任性慈明
不尚苛刻兵燹之餘人民離散田野荒蕪兼以軍
需旁午里差繁劇士鯤一以廉靜鎮之招集流亡
設法籌餉民不苦差又興起學校拔識翹楚人士
賴焉任滿陞廣安州尋遷西安府嗣復陟成都知
府

賈漢誼字長傅曲沃人官生順治甲午任性剛介
多才政績卓著其大者建學校丈田畝修石視陂
平里役立碑禁糧餉北絹羨耗治訟多所平反歷
任七載恩威並濟境內肅然報最陞遷士民赴上

崇陽縣志

卷之八職官

知縣

三

扳留不許送之日遮道不忍釋立去思碑乾隆間
知縣曹學詩設木主與陳仲微並祀乖崖祠

賀人龍字允升通潁人歲薦順治戊戌任老成練
達識算既周而才猷立副當西山夫草倥傯時料
理有法無不妥當作養學校意極周徧性和易待
士民藹若家人父子相諒以至誠每日片晷視事
卽退食躬課兒孫由其胸無沾滯故得蕭閒自在
也冰操十載四境樂業安生致仕歸扳留不允送
者由蒲咸至江漢始告別建去思碑

高景之字德趾號星巖山東膠州人進士康熙庚

戊任崇獎學校拔識寒微續修邑志留心民瘼未
久以憂去

蔡興鎬號西美遼東人舉人康熙壬子任性嚴敏
好發奸摘伏值吳逆反雲南其黨據岳州各屬徵
求弗應崇獨挽芻供糗無缺以能聲著調江夏縣
金繇祖號梅山滿州籍遼東人康熙甲寅任才識
明敏愷悌居心時值進剿長岳軍供繁劇迫無暇
晷凡可以寬減者必力爲申請催科簡要徵比輪
期杜一切包攬侵那之弊境內肅然縣治久廢捐
俸發粟從新鼎建財力無傷害焉陞雲南師宗知

崇陽縣志

卷十八職官

知縣

二四

州

李特生號仙滋河南武安人舉人康熙辛酉任甫
下車卽赴闈分試薦士得人主司稱其公當性恭
謹愛民恤士政尚寬平邑舊苦大差請改平擡自
侯始事詳田賦志建明倫堂立文昌閣務振作人
才涖崇六載告終養去崇人戴德刊集曰雋水絃
聲志不忘焉

石如璉號商彝河南陳畱人進士康熙丙寅任廉
明公正加意作養常時季課大比月課文治一新
戊辰值夏寇告警蕩平後以養親歸里

張忬號月齋滿州籍遼東人康熙己巳任性嚴厲人不敢犯四境安靜建覺官擴泮沼樹圍牆爲政規模足徵宏遠陞信陽知州

何嘉儒號靜齋滿州籍遼東人康熙癸酉任性慈厚廉明勤於蒞政前任張忬建學校未竟爲葺其事修理崇洪山道重新城樓諸廢具舉入載卒官囊橐蕭然士民哀之葬西北郭外立專祠以祀詳壇廟志

胡俊號升士直隸雞澤人進士康熙辛巳任明敏剛決案無留牘上司喜其才嘗委攝蒲圻以母憂

崇陽縣志

卷之八

職官

二十五

去

陳世蔭號松軒福建南平人廩監由縣丞陞令康熙丙戌補崇陽老成練達剛介廉明旋陞順天府判

高位號思山嘉定人以召試選授纂修敘用康熙壬辰任嘉造士能爲古賦梓有文集

侯爵字子節號竹齋山西絳州人舉人雍正甲辰任德性敏惠政簡民安崇自賈侯清丈後山溪暴漲田多衝淤士民賠累又有原屬麥地近開水出舊未經丈侯申請減補而均之詳准未行遽以憂

去

張慄字子慎陝西華陰人舉人雍正丙午任勤於
治事建先農廟遷城隍祠置營汛署善治釐然調
武昌縣

林日燭號東來福建甯德人進士雍正庚戌由武
昌調任勤敏公平未幾以憂去邑人立去思碑
李五惇字秩夫號韋亭福建龍谿人歲薦雍正壬
子任下車卽補葺學宮整飭奎閣修理城垣以興
文教嚴武備爲務又出俸餘於東城隅建桃溪書
院延學究聚生童肄業其中置田屋收租爲膏火

崇陽縣志

卷六職官

知縣

二六

資每月舉課給銀獎賞崇邑有書院自此始後來
所守皆其準則也舊乖崖祠香火不繼侯增廓祠
宇置香油店俱有記載建置志甲寅續編邑乘書
成陞知州去任

黃袞字龍章號東棠直隸正定人舉人雍正乙卯
任涖事克勤興廢舉墜署中建柏蔭軒自題志勉
云柏蔭一室父母斯民者蔭一邑庶不愧此柏其
居心豈弟於茲可想

宋鋒字銳臣一字鈍夫號蓮池直隸深澤人進士
乾隆丁卯任出身寒素歷任清廉文章政事俱敏

捷所著載建置志

曹學詩字以南號震亭安徽歙縣人進士乾隆己巳任性仁厚耽風雅有文癖案牘餘閒仍理筆硯每巡鄉講約履阡陌修塘堰築隄防編保甲及禱雨祈年所至必賦詩喜育士改新泮宮作學規建涼薰閣於書院時與諸生講論文藝諄諄不倦聽訟必以情猾吏奸胥不得蒙蔽以法斷疑獄完童婚有完鏡歌琴堂合巹歌事詳雜撫中又設棚民煙冊作勸民歌戒溺女歌并鬪毆條律曉諭四境嘗著護蕉說云崇署內庭乳蕉初茁羣雞日啄而

崇陽縣志

卷六

知縣

二十七

食之萌者禿秀者凋榮者悴土膏無以發其滋雨露無以施其潤余編竹爲籬羣雞環視無由啄不日而倒抽斜界新翠潏然禿者復萌凋者復秀悴者復榮嘻余因茲悟牧民之道矣彼莠民之戕良民也猶羣雞之啄嘉卉也驅之不勝驅衛之不勝衛也惟綱紀嚴而防範肅隱然有籬籬之固斯知才者斂其爪距無以恣其吞噬而懦善乃能以生以息俾完聚其室家猶乳蕉之萌而秀秀而榮也彼博長厚之名而姑息容奸無乃縱羣雞以啄乎斯民之生意安在因書以自警焉

丁丙艱去侯性好禪邑諸名刹遊覽俱遍後乃感
噩夢長齋其詩文以淹雅勝有專集在崇所著人
藝文志

謝奉璋字義士號雙峯雲南建水州人進士乾隆
癸酉任始至值旱雩禱龍頭山隨車甘雨才具明
決案無畱卷自學宮城垣隄埤至橋梁道路以次
修治公餘拈題課士造就多方踰年調武昌縣
曾忠福建沙縣人進士乾隆乙亥任風骨峻厲居
官嚴肅人不敢干以私大堂懸鑼民呼冤者擊之
三卽出視狀吏無能爲弊下情畢達

崇陽縣志

卷上 職官

知縣

三

晏善澄字薇東江西上高人進士乾隆己酉任精
文律工詩書法秀勁畫多寫意之作片紙隻字得
者珍之性儉約得肉則不食魚每以崇儉返樸爲
民訓前後約任六年

曾翕受貴州桐梓人舉人嘉慶庚申任六年題補
通達治體凡有興作務在利民整飭桃溪書院勤
課生童靡不服教

李夢珠字月浦廣東嘉應州人舉人嘉慶甲子任
善衡文樂栽培士類問字者無虛日乾隆中邑久
缺解額侯至慨然曰聞此地先代盛科名號小麻

城今何以衰當由有司不振興文教故耳乃於秋
闈前招多士給卷資大排賓興宴場期每日躬詣
文昌奎星二閣焚香叩禱夜則帶人輪班值宿司
鼓吹戒無褻越維時五歲三科登賢書者四人嗣
後科名稍振侯作之始也先是楚督汪爲沔堤閘
工微服出巡途遇崇民販木棉問所自曰崇陽崇
陽何官曰姓李官好否曰好官因識之後被案累
諸大府將劾職汪督不可飭令遷任

范繼昌順天人由方畧館供事議敘未入流分發
陝西教匪滋事隨大將營至湖北辦理軍需防剿

竹山有功賞戴花翎嘉慶辛未選授崇陽知縣性
勤敏待下以誠喜談陰騭刊

聖諭十六條朔望宣講廣搜諸善書有裨人心風俗者
重加鐫刻每下鄉載滿肩輿到處給散考試童子
自以不知文禱諸神然十爆竹皆響取第一得王
亞元大猷邑人傳爲佳話

趙秉淳字作純上海人舉人嘉慶道光閒兩次令
崇作育士類父文哲列吳中七子中秉淳承家學
溫文爾雅工於書法士林仰之

符其珍號曉峯文昌人拔貢道光六年九年前後

兩任嚴治盜賊良善賴以安全

王觀潮字海樓河南新鄭人舉人由睢州學正保舉知縣道光甲午任崇陽政尚寬厚公餘好學工詩善書試童子拔識單寒助之資斧歲旱飛蝗入境捐廉督士民捕掘旋生旋滅蝗不爲災作捕蝗記載災祥志去之日賦詩留別崇民云不居涯次卽山巔舉室胼胝冀有年革薄尤宜毆害馬補資端自在耕田相關痛癢慚慈母無限栽培望後賢好勸吾民勤積貯從來豐歉總由天時稱爲仁人之言

師長治字理卿陝西韓城人舉人道光二十三年八月任十二月十三遭鍾逆之變侯守土以死誓城破盡節

朝典優卹入昭忠祠世襲雲騎尉

金雲門字菊仙安徽休甯人進士道光二十一年署崇陽閱月卸篆士民遮道送萬家生佛榻額是冬鍾逆變作明年春大府調赴軍營差遣崇人聞侯至相率送款踰月獲罪人亂解以奮勉出力保奏賞戴藍翎卽升知州先換頂帶由代理題補崇陽知縣時城郭宮室無一完好侯營繕辦理一

切善後事宜殫歸籌畫或請置重鎮增兵三百彈
壓侯曰崇陽偶釀巨案非其民怙亂也增兵必增
餉是區區者烏足以給某在此脫有變請以身當
之大府允其請乃改議兵後窮閭凋甚籲請蠲免
二十一年錢糧減價糶常平倉穀民困頓蘇又以
化民成俗首在造士城垣既繕文廟書院次第整
理增置義學每月肩衙齋課生童二次建三塔起
考棚廣賓興場費鼓舞士類談制藝者爭就質門
下凡所識拔必邑中翹楚其臨民每月朔望城鄉
各處講約作歌戒訟戒洋煙勉以孝弟力田捐廉

崇陽縣志

卷之八

知縣

三

給孤育嬰立法周密性勤敏剛決遇事勇爲馭下
嚴肅尤善聽訟判斷若神民無冤屈舞文之吏刀
筆之徒皆畏服焉前後涖崇六年禱雨祈晴立應
如響歲無水旱閭里安生以故崇民皆德侯私立
菊仙生祠尸祝之改署黃岡送者依戀不舍哭至
失聲侯臨歧賦詩自調如別家鄉泣數行下又八
年爲咸豐癸丑侯以安陸太守調署黃州守土盡
節贈太僕寺卿嗣後崇士民每年於死事日集祠
舉祭詳見壇廟志中

韓寶昌字善浦大興人監生道光乙巳知崇陽縣

謙和善下爲政尙寬調咸甯後任麻城殉難
鹿啟烈字南溪安徽阜陽人舉人道光戊申知縣
事精明渾厚待吏民一本至誠下車之初邑方經
大水原野蕭瑟侯卽嚴飭胥吏徵糧不得浮收邑
故多訟公牘生塵不得結侯至甫兩月一一剖決
積案以清凡受狀面訊無實者麾之去兩造至片
言立斷否則拘甲喚乙七日爲限靡不清矣訊訟
多不用刑威獨嚴治盜先邏察主者責成保甲巡
役視所察之多少賞罰之期年盜皆遁去爲治務
實不近名每謂凋瘵之民宜休養以培元氣一切

興作費民財力者皆不爲精於論文取士尙有本
之學尤以制行爲重曰士爲民首士失道衆則效
之其奚責焉先是崇邑吏民相水火釀成巨禍侯
以由來有漸故事事務正本清源如此每謂崇邑
舊號難治殊不然以子撫之皆吾子也侯形狀魁
梧面方如田字精力強健蒞政克勤無片晷暇故
邑事無不理明年四月病疽歿於署士民匍匐致
哀立遺愛碑載建置志

福昌阿字介五滿洲進士咸豐元年任溫文爾雅
政事之暇畫著色山水及鍾馗小像踰年卒官

國朝代署知縣

汪 關各康熙二十六年任

徐大宏 浙江貢

趙齊芳 山西人進士通城知縣

張粹蘊 山西蔚州選貢官別駕

劉 碑 關中人臬司知事

魯崇禮 遼東人臬司經歷

張朱霖 江南人進士蒲圻令

李行修 山東舉人巳上康熙年

周家相 直隸人進士

吳世臣 福建人監生通山令

王先立 四川舉人

劉 煜 山西平定州人進士

吳 闕 名字霖川江西高安人嘉魚令調江陵以註誤卒於嘉

高其偉 三十五年任

李深源 有傳巳上乾隆年

丁 嶽 字雲階甲戌年任

邱 闕 各

崇陽縣志

卷上八職官 知縣

李 芳 有傳巳上嘉慶年

鄧 培 字益道光三年任

郝延年 進士

鄧應巖

顧世燾 固始人舉人九年任

賴樹勳 福建舉人十年八月任

陳鳳輝 字岐山十二年八月以通判任

林鳳儀 有傳

蔡學清 有傳

程大鏞 安徽人進士藩經歷

張建基 蒲圻令攝印三日

張書麟 彭澤優貢二十年任

姚國振 有傳巳上道光年

鈕芳津 有傳

王國楨 字倬亭大興監生四年以縣丞任

萬景賢 字雲臺光山人軍功保舉縣丞

攝篆未至崇

馬 淵 字西泉固安人巡檢代理數月

諸 鏞 字蘭谷錢塘人監生六年任

葛致遠 字毅山畢節人舉人八年任

王筠節己未年任有傳

張聲正字宏甫善化人監生辛酉年任已上咸豐年

王紹新字標臣號梅坪萊陽人拔貢同治元年夏代理二年秋去任

徐元杰字慕韓三年秋代任一月餘

李深源字雙橋江蘇華亭人舉人乾隆閒以試用委署涖任甫一月旋卸篆當時有三年馮濁水一月李青天之謠侯深於詩赴任口號云扁舟如葉載輕裝細雨濛濛路正長兩岸垂楊青不斷春光先我到崇陽去時畱別紳耆云素有鳴琴願山區鮮秀民下車方一月去路尚三春細雨衝泥滑深

崇陽縣志

卷六職官

知縣

三五

杯勸酒頻何嘗諸父老扶杖送江濱至今士林傳誦想見豈弟君子云

郎令名字籍貫未詳在任尚威嚴刁民畏之呼為郎打鐵

李芳字會園直隸鹽山人舉人嘉慶己卯署任廉明果斷疑獄一空終日兀坐琴堂隨訊隨結幾於案無畱牘有大案人畏稟報侯微服緝訪得其實申詳置之法遠邇稱頌

林鳳儀號梧岡福建福清人進士道光癸巳署任學贍才優性簡重為治持大綱不事苛刻積牘盈

樂片時決之莫不悅服軫恤民隱徵兩稅禁差役
追呼輸將者一時磨至涖任期月民稱道不忘
蔡學清字穆如福建福清人舉人道光丁酉署理
縣事勤課士晉接如師生講論經義娓娓不竭折
獄不尚威猛感其德者頌好官

姚國振號芹溪奉天蓋平人監生道光己酉署理
縣事虛衷好士能受善言踰年調麻城咸豐初拒
賊死難

鈕芳津號蓉浦臨桂人監生咸豐癸丑冬由江陵
縣丞署理縣事明年春聞賊將窺境親至四鄉督

勇防禦兵未集而城陷閒道請兵驅賊秋月從塔
齊布復城大軍往武昌自以所請兵數百守城不
數日餘賊復至守備黃鵬程健將也能飛身上城
欲引兵出戰芳津不可賊伏身叢薄槍斃鵬程於
城上乃開北門與敵兵潰殉難義城橋下

王筠節號竹溪河南宜陽人進士咸豐九年署理
縣事性質慤尚儉約喜作育士類興復賓興場費
規制仍舊茱萸山禪院有田主拂無僧田無所屬
父老請改入興賢莊侯出大力主之浮議紛起卒
不能奪合邑有士盡歡顏之頌

學官

崇陽學官明以前罕見書志考邑文教實開於宋
昌於元黃魯直詩云近歲多儒學嚴士貞詩云斯
道淵源雋水長其弗信矣乎非有人焉掌胡瑗之
教佐文翁之治曷由著效惜乎書闕有閒無傳人
也明洪武初置教諭訓導如元制萬厯閒裁訓導
國朝康熙三年裁教諭復訓導四十三年復設教諭
數百年間木鐸之聲相續不斷若舊志所列可以
觀文風所由振作士習所由陶成焉然此究非完
簡也嘗於賢舍左側見萬厯年閒殘碑鐫學官姓

崇陽縣志

卷上八職官

學子官

三七

名凡三皆舊志所未載其脫落抑豈少哉迄今百
年又往闕漏尤多因略更舊例兩學分表合傳補
綴成篇亦師承無自之學云爾

元教諭一人

宋 堃 眉山人泰
定間任

明教諭四十五人訓導五十六人

吳彥華 有傳

梁太安 合上傳已
上洪武任

姚宗文 有傳

程 鑑 有傳已上
承樂任

陳 瓊

李居正 有傳已上
宣德任

關 閏 豐城
舉人

晏 輔 巴縣貢已
上正統任

胡翔景泰任

余瑄天順任二人與李居正合傳

王順有傳

俞繪有傳

張克禮西平貢升登州府教授已上成化任

馮昇有傳

毛衡新昌貢宏治乙丑任升平府教授

琚珩晉江貢正德八年任升典寶

緒紀馬平舉人十三年任升瓊州教授

鄧秀已下嘉靖任

徐行

李山右三人合傳

劉文法蒼梧貢十九年任

張廷桂浮梁舉人二十二年任

樊峻合州貢二十二年任

李廷鈞浮梁舉人二十二年任

徐濬馬平舉人戊午任尋第進士歷通政

劉湛漢州舉人己未任升商水知縣

楊簡義安貢壬戌任升肅府教授

張敷潛有傳已上嘉靖

崇陽縣志

卷六 職官 學官

三

沈寅嘉定人隆慶元年任

廖守俊有傳已上隆慶

王來賓有傳

鄔熙和新昌舉人萬曆五年任升知縣

歐陽節永州貢九年任

蕭應奎武岡州貢庚辰任升楚府教授

鄭元龍襄陽人丁亥任

方懋德舉人升望江知縣

趙嘉猷監利貢

張兌黃州人

劉宏功潛江人

吳繼宗福建人

敖明善三十六年任

童明衡鍾祥人

張廷賓周生文

王國章江西人

龔善有傳

黃師魯有傳

廖朝元

胡鑑

○已上教諭已下訓導

丁致和三人附黃師魯傳

張迪

李勝二人合傳

戴弁有傳

胡暹新津貢正統間任

柴仁有傳

楊甯貢生景泰間任

魏敬瑞昌舉人天順元年任

吳讓安岳貢

張瑄附柴仁傳已上天順

陳士奇臨安貢成化元年任

涂奎榮昌貢升定遠教諭

徐文懷甯貢九年任

陳善海鹽貢十四年任

饒玘資縣舉人十七年任卒官已上成化黃尚禮祈門舉人宏治三年任卒官

黎彛梧州舉人四年任

劉舉華陽貢六年任

孫玘徐州貢十年任

唐臣蓬州貢十五年任已上宏治

崇陽縣志

卷六職官 學官

吳思明保昌貢正德三年任升荔浦教諭黃明彝江津貢六年任

孫昱合肥貢八年任

董鑑盧氏貢十一年任

楊錚南充貢十一年任已上正德

郭定南溪貢嘉靖二年任

葉永昌慈溪貢四年任中宮湖廣戊子鄉試

宮善涪州貢八年任

王瑄清平衛貢十三年任

張鷟翼瀘州貢十七年任升益府教授

莫隱有傳

馬鳳懷甯貢二十三年任

吳養正井研貢二十三年任

後達九江貢二十六年任

伍自省四川貢三十一年任卒官

張師心郫縣貢三十三年任

徐繼芳六合貢三十六年任

羅繼元有傳

盛廷贊武甯貢三十九年任

孫日培虹縣貢四十二年任

馮潮 德安貢四十四年任已上嘉靖

趙希孟 有傳

周嘉禾 嵩明貢隆慶四年任

田宗正 南部貢萬曆元年任

孫應祥 有傳

馬朝立 有傳

張鳳來 有傳

甘繼賢 蕪州貢十一年任

蔡叢 安陸貢十二年任

李如芝 夷陵貢十六年任

謝世讓 三十五年任

黃希皋 三十六年任已後缺裁

龔善邑人洪武甲寅以明經任本學訓導初邑學宮在西城外元末燬於兵火善卜梵安寺故址改剏焉肇啓人文嘉惠後學歷久頌其功弗衰吳彥華興新人舉人洪武閒官邑教諭性良易後升長

宗陽縣志

卷上八職官

學官

史繼之者梁太安番禺歲薦論文喜藻繪以師道自任俱有譽當時

黃師魯字希聖邑人洪武初舉明經任本學訓導

性醇謹善書精篆隸工詩每遇佳山水吟咏忘還

自號清河道人致仕後徙蒲邑繼之者廖朝元胡

鑑丁致和皆邑人官訓導朝元本名仕齊居邑南

高梘山中洪武初與鑑俱舉人材致和舉明經

張迪李勝俱洪武閒訓導迪眉州人善啓迪士人

多賴以造就勝洛溶人舉人善大字嘗書明倫堂

桃溪洞榻額當時推重

姚宗文華亭人永樂三年以歲薦官教諭博通經史教人能因其才立言必以古人爲法

程鑑江都人舉人事母孝性剛介以禮自持雖暑月未嘗去衣冠後升國子助教

戴弁浮梁人舉人永樂閒訓導性真摯不自峻門牆日與弟子員相淬勵成就者衆秩滿升兵科給事中歷官廣東右布政

李居正吉水人進士宣德閒官崇陽教諭綽有師範升遼府長史其後景泰中有胡翔天順中有余瑄先後官教諭有聲翔侯官人善草書工詩文多

士式之瑄鄆都人性恬雅教人有法俱舉人

柴仁樂平人貢生正統閒訓導重義歸金程翰林楷作還金傳見念齋集後仁十餘年爲天順癸未永新舉人張瑄亦官訓導教士甚勤手不釋卷

王順安福人舉人成化元年教諭性端雅每以矩矱約束弟子員諳諳不倦

俞繪上虞人舉人成化八年教諭博涉羣書尤嚴學規終日公服坐堂與諸生論經義發疑抉異夜秉燭巡視稽所學勤惰九年不倦時諸生皆居齋宇書聲徹丙夜邑士習文風因是蒸蒸日上焉著

有詩文會式詩經句解崇邑志等書遷惠州授
馮昇雲南衛籍海鹽人舉人宏治五年教諭學行
兼優卒於任子鼇鮫皆舉人遂家崇載僑寓志
鄧秀保昌人嘉靖元年教諭德性溫克六年卒於
任徐行西安人李山嘉善人次鄧秀後俱以歲薦
任相繼卒官行嘗增訂邑志學問淹雅見推於時
所著見禮儀藝文志

莫隱清平衛人貢生嘉靖己亥訓導制行篤謹不
事粉飾後升雅州學正

羅繼元新城人貢生嘉靖己未訓導醇篤端嚴卓

崇陽縣志 卷六 職官 學官

四二

然師範出俸金修理文廟恥以儀文較士升咸甯
教諭諸生送之至於涕泣

張敷潛晉江人舉人嘉靖乙丑教諭博文洽識範
身尤嚴品藻士類屢騰薦剡升國子學正歷潮州
知府

趙希孟涪州人貢生隆慶三年訓導溫潤雅飭器
宇豁如

廖守俊全州人舉人隆慶五年教諭端矩獲勤課
業諸生無貧富俱以禮貌待之升南國子學正大
理司務

孫應祥均州人貢生萬曆二年訓導渾厚有守嘗還貢士東修遷石首教諭

馬朝立新繁人貢生萬曆五年訓導存心端慤教士不倦升南江教諭崇士有教思錄

張鳳來潼川人貢生萬曆七年訓導性坦白誠以待士休戚相關重義輕財見貧乏者必推所有濟

之升安仁教諭去時泣別諸生語諳諳不忘規戒後人深景慕焉

國朝教諭訓導

馬世盛有傳已後缺裁

沈方昌有傳缺久裁開補自此始

宗陽縣志

卷六 職官 學官

四二

徐鉅羅田拔貢康熙四十六年任

彭體祖監利拔貢癸巳任一月以老致

蕭璟有傳已上康熙

姜世坦字履平黃岡舉人雍正三年任

程光朝字西羣孝感貢壬子任庚申以憂去

萬峒江陵舉人明通榜乾隆五年任

張之梁蘄水副榜七年任卒官

段正笏沔陽舉人十三年任

許鉉副榜

余學乾副榜

劉克寬舉人三十年任

宋都有傳

萬希科黃岡舉人以拔貢選任

龔傳圭有傳

石元吉有傳

何宗禮蘄水舉人巳上嘉慶

司效徽字芝麓竹溪拔貢軍功

劉焜字然山漢陽廩貢十四年任

方梁材有傳

彭兆珂字佩雙潛江拔貢二十年任

李鏞 江陵副榜二十六年任

燕光焯 字掌衡漢陽副榜道光己酉年

任經成豐同治凡十八年升襄陽府教授

陳作霖 宜昌拔貢同治五年三月選

晏承烈 字子駿公安縣廩貢道光乙巳同治丙寅兩次署任 ○ 以上教諭 以下訓導

劉體仁 有傳

曾紹英 鄖陽府貢善化訓丁憂起復補

陶大任 有傳

程文南 隨州貢三十五年任以老致

賈岑 與陶大任合傳

徐則裕 漢陽貢四十年任

王師旦 有傳

涂之淵 黃陂貢常甯訓四十八年補

謝時達 漢陽貢五十二年任雍正二年休致已上康熙年

劉瓚 有傳

梁星 有傳已上雍正年

李尚裕 字紳齋荆門州貢乾隆九年任

秦廷璋 字靜齋施南貢十六年任

崇陽縣志

卷六職官 學官

熊應龍

湛麟 三十二年任

譚暉 有傳已上乾隆年

李師庠 嘉慶年任有傳

喻元霈 有傳

鄧承祥 有傳

宋仇佺 漢陽舉人十五年任

任璧 璞城蘄水拔貢二十年任

戴汝成 東湖貢二十九年任已上道光年

鄭體仁 有傳

萬裕灃 字樹丞號雲舫黃岡舉人咸豐七年任

馬世盛 字岵思景陵人舉人順治壬辰官教諭以

文行作士砥礪甄陶學校一振執卷就講者無甯

晷與弟子接藹若家人崇學久廢勸建有勞尋以

母憂去士民送之至壺頭始灑涕告別

劉體仁字長人平江人康熙乙巳訓導時教諭缺
裁以專任特重體仁才優風雅與鄉大夫文酒相
往來交道真切疎坦絕俗加意後學作養維勤當
時物望歸焉

陶大任彝陵人賈岑景陵人俱歲貢官訓導大任
康熙甲子任文思精粹講理深邃弟子多所造就
岑庚辰任性醇厚課士精勤先後俱卒官

沈方昌字世其江陵縣人歲貢康熙乙酉復設崇
陽教諭膺選自方昌始爲人端方耿介一言一行
俱足模楷士林貢生修金盡卻不受喜賦詩著種

崇陽縣志

卷之六 職官

學官

四

瑤草假養親旋諸生建去思碑於廡左以誌不忘
王師且江陵人彝陵州歲貢康熙丙戌訓導溫厚
謹懇待諸生藹若家人未幾以老致

蕭璟字曉亭漢陽人鄖陽府學歲貢康熙丙申教
諭渾厚恭謹與諸生淬勵不倦士之困乏者恆推
給之雍正甲辰改授縣丞

劉瓚漢陽人鄖縣歲貢雍正二年訓導學問深邃
衷懷坦素與諸生研理不倦沒於官

梁星字夢篆當陽人歲貢雍正十年訓導學優養
邃才具練達溫厚雅飭接弟子藹如也尤工詩所

著有種梅軒集

宋都籍貫未詳教諭崇陽師道自任檢束諸生甚嚴嘗刊臥碑遍曉鄉塾

譚暉字曉墀江陵人乾隆辛亥以舉人官訓導性沈靜面目嚴冷不妄交接學問甚淵博精於文辭韻語復蘊藉纏綿有雅人深致學者宗之嘉慶元年解組去所著有曉墀古文制藝及郢樵詩稿

龔傳圭字潔田監利人乾隆辛亥以拔貢官教諭歷嘉慶道光三朝前後凡三任和平樂易胸無城府勤於課藝諸生親之升武昌府教授年八十餘

序舊僚譚暉詩集梓以行世其篤於風義如此

石元吉字蓉城黃梅人嘉慶初由副榜官教諭情殷作養不稍暇逸性剛直廉隅自礪諸生有非罪受誣者力爲剖白與邑大夫忤被劾去職留別詩云四載辛勤守一官朝朝捧水潤芝蘭鶴鷄每怯同凡鳥首蓓猶疑是素餐豈有聲名驚黨序幸留清白在衣冠此邦意氣歸儒雅不似途人冷眼看士林爭誦之通堪輿家言嘗謂縣署舊建柏梓樓於法不利毀之吉又嘗改黌宮向位謂邑文運當亨已而有驗

何宗禮字敬齋蘄水人嘉慶末由舉人官教諭謙和溫厚與物無忤藹然儒者氣象多士親之

李師庾字月樓麻城人由舉人官訓導有應變才識大體顧惜士人名節論文以醫爲喻云古方不可治今病嘗改正張景岳書蓋旁通岐黃術云

喻元濡字芥舟黃梅人道光間以舉人官訓導深於詩文嘗卻賚士脩金保題知縣去任

鄧承祥字雲樵一字筠翹江陵人道光丙申以廩貢著訓導性端嚴靜默衣冠樸素不與俗人接喜誘掖諸生問字者至相對怡然談經史文藝必舉

先正爲法窮原竟委終日不倦數月解職去

劉焜字然山漢陽人以廩貢任訓導質樸有古風尋常足不踏市井蠟言梳貌其所羞云

方梁材字柱廷蘄州人道光中由拔貢官教諭學有根柢論文亦具卓識

鄭體仁字古餘天門人咸豐二年以歲貢任訓導古心古貌清貧自甘庭戶蕭然諸生問字外一塵不染見俗客移牀遠之頌言至則曰吾不喜面諛也初赴任時里中故舊餽金爲資斧解組歸還以原封狷介其天性然

佐倅

丞簿尉皆佐倅也邑故無丞有簿尉見於書志者
主簿自南唐始縣尉自宋始明洪武初裁主簿惟
典史一員即尉也

國朝因之道光二十二年設桂口司巡檢一員

歷朝主簿五人

韓 夔 南唐韓熙載姪後為秘書正字

都夢與 宋紹興間任

蔡仲舒 正臣新昌人進士景祐間任

吳 秀 元泰定間任

陳 嵩 明洪武間任

宋縣尉一人

崇陽縣志

卷八 職官 佐倅

舒 琬 四明人紹熙間任

明典史四十六人

梁以善 有傳洪武間任

楊 泰 宣德間任

程 浩 景泰間任二人俱合上傳

李 昂 陝西監生天順四年任

劉 巽 南昌人五年任

孫 郊 甯甯人八年任已上天順

鞠 祐 高唐人成化三年任

程 河 附前梁以善傳

陳 縉 廣東人十二年任

安 就 睢州人十年任

張 景 高郵人二十年任已上成化

郝九容 眉州人宏治三年任

李 瑞 新都人五年任

梅晦英 莆田人十年任

陳 瑞 瀘州人十年任已上宏治

牟萬濟 富順人正德五年任

徐良器六年任

李全臨安人十年任

王閏成惠安人

熊溶南昌人

王瑞南充人巳上正德

徐球有傳以下嘉靖

林以德莆田人十五年任

龔萬選夾江人十年任

鮮傑德陽人二十年任

李珊南豐人三十年任

周洪彭縣人三十年任

李珊安仁人三十年任

楊傑錢塘人四十年任

郭雲霄莆田人四十四年任巳上嘉靖

孫元敘豐城人隆慶元年任

周雲光安義人五年任

黃佐邵武人萬曆二年任

郎橋懷甯人五年任

鄭校山陰人八年任

萊芮岳池人十年任升師宗州吏目

崇陽縣志

卷上八職官

任任

四

朱盛大庾人十年任

黃時麟豐城人十年任

胡欽舜

高德茂

吳志篤

徐時聘四川人

雷闕名字禹門江西人以衛經歷攝

陳先恩福建人

程守道休甯人

張良器山陰人

楊國景有傳

梁以善宣化人洪武三十一年任以廉勤調浮梁

其後有楊泰程浩程河俱稱職泰宣德七年任修

城隍祠經營有方浩廬江人景泰間任廉守有為

河青神人成化六年任修孔塘陂民蒙其利

徐球南靖人嘉靖五年任修石規陂有成勞在官
十年升瀏陽主簿

楊國景揚州人崇禎癸未至任未久張賊陷武昌
分黨入崇國景集義勇躬自守隘為賊獲唾罵不
絕被害

國朝典史

諸永祚字仙步
山陰人

陳御雯紹興人

蔣昇字仲孺山陰人
已上順治

馬仲惠字均平北直人
康熙七年在監

錫邑志

王基遠山西太谷人
二十三年任

劉維鼎義烏人
八年任

崇陽縣志

卷上職官 佐佐

虞景文浙江定海人
三十七年任

仵忠柱陝西寶雞人
四十年任

董漢良順天大興人
四十二年任

周開泰有傳已
上康熙

薛遠山陰人雍正
十二年任

鄒宏業宛平人乾
隆三年任

唐裕山東歷城人
十八年任

陳會嘉慶三
年任

葉欣有傳

孔傳荃二十
三年任

章錫祺字純嘏道
光初任

徐灃

王光字有傳

鄭家毅

劉錫齡字鶴林
廣東人

邵汝正字小園四川人
大興籍二十年

任升施南府
經懋卒官

湯慶珍

劉礪鋒

黃傳準有傳

壽 塢 字子敬 浙江人

易化洪 字松濤 湘陰人 咸豐八年任能

撫七絃琴寫墨 蘭通金石文字

劉政芳 字美齋 四川蒲 江人 九年任

錢良猷 字則軒 山陰 人 十年任

田象三 有傳

朱隨珍 字小珊 紹興人 同治三年至任

周開泰 江西金谿人 康熙六十一年任 督修石規

陂 勤於視事 居民受其澤 祔祀杜李祠 後人改祠

額曰周杜躋開泰也

葉欣 字芹浦 嘉慶二十年閒任 喜哦小詩 作字亦

妍秀 品題山水 不類俗吏 繼欣任者 孔傳荃善八

分書

崇陽縣志

卷六 職官

五

王光 字溥泉 廣東興甯人 道光十三年任 在官

九年 質實謙和 與物無競 鍾逆之變 城破公服坐

廳堂 從容自經 士民哀之 祔祀師公祠

黃傳 準負才 倜儻 咸豐二年任 時粵匪由長沙竄

武昌 亡賴子來 賊中裹紅巾 歸崇訛言 賊將至吏

民皆倉皇走 傳準慮獄囚 乘閒逸 獨堅守獄門 不

動 越日亡賴伏 誅人心始安 咸服其膽識

田象 三字虞廷 四川人 同治三年任 數月遷去 五

年春 殉難黃陂

桂口司巡檢 自竹山 移設

張沛霖

字仙查烏程人道光二十三年任

王贊勳

二十五年署

趙慶安

河南固始人二十五年任

張增

有傳

牟永豐

字玉田四川大足人咸豐八年任

龔英燦

字花田湖南人同治三年秋代理四年牟永豐復任

理四年牟永豐復任

張增字克山大興人咸豐三年署性慷慨不事苛

刻四年殉難會城

武弁

崇邑前朝武備不得其詳雖有職官多係外委初

不駐崇

國朝雍正初始遵例有專官設立營房其制把總一

崇陽縣志

卷六 職官

任任

五

員民壯六十名道光開改把總為外委二十二年

添設千總一員外委千總一員民壯四十名千總

及外委把總駐城內外委千總駐洪上舊志不載

雍正以前今搜討得數人取以弁首

元明武弁二人

包朝魁

千戶元

王一范

字谷泉本邑人萬曆二年以殺

賊功授千戶

國初武弁一人

林關各

劉

昌

康熙七年任

把總十六人

道光開改外委

黃廷世

雍正初年任
專官始此

江自鳳

雍正十
二年任

胡榮

王文忠

乾隆五
年任

魏國

江自祥

陳明

尹上進

方定國

有傳

常華

方潮

王達元

有傳

趙連陞

有傳嘉慶
道光間任

賈維濂

江夏人道
光間任

忠善

荆州駐
防人

楊闕

名江夏人己
後改外委

方定國籍貫未詳嘉慶初任城守營把總時承平

日入山城不繕可踰而大白蓮教匪猝起人心驚

崇陽縣志

卷上八

武弁

五二

惶知縣孫邦憲朝服公堂坐待盡節定國談笑自

若置油桶城上賊隔雋水望之謂礮也遂巡將渡

定國領兵勇十數人出城禦之舟至中流營兵饒

光福擊以槍賊引退城得安堵定國力也後卒於

任葬北城外與方潮墓俱載雜紀

王達元邑人善拳棒以勇力聞教匪經其里倡衆

堵禦有賊婦躡鐵履獍悍異常達元持戟與敵殪

之賊眾敗走以功授德安府千戶署本縣城守營

把總

趙連陞荆門州人身材雄偉兩臂如鐵邑有健兒

力能挾礮礮置樹閒聞趙把總名故衝其騎二卒
近之皆仆連陞一笑下馬伸指著健兒首即跪地
戰汗不敢動其神力如此

城守營千總由房縣改駐

胡均標通城人 世襲雲騎尉 道光二十二年任

謝金魁有傳

周宗選嘉魚人 二十九年署

周燮亮本邑人 舉人 咸豐四年署

吳鵬程字凌雲 穀城人 咸豐六年任

吳炳輝江夏人 同治二年任

戴金彪蒲圻人 同治三年署

湯萬年字勳臣 江夏人 同治三年任

謝金魁江夏人 道光咸豐閒任 城守千戶 喜近文

崇陽縣志

卷上八 職官

武官

五三

墨雅類書生甲寅和隨大軍復崇越日賊復至與
知縣鈕芳津出北門接仗同時殉難弟世榮亦死

洪上汛外委千總

魏金富江夏人 道光二十二年任

蔣得元江夏人 卒任

劉本誠字實夫 江夏人 軍功見任

外委把總

向闕名 江夏人 道光閒任

戴金彪道光閒署

鄧闕名 江夏人

周得名江夏人 卒任

葉壽維江夏人 世襲雲騎尉 同治三年署

吳成有字仁軒 江夏人 見任

風俗由樸而之偽人心由渾而之鑿故治法由簡

而之繁有虞官五十夏后百殷二百周三百三代
官制已遞加矣周官縣正下大夫一人漢縣有令
長丞簿尉等官視周制又加矣漢下雋所轄今崇
陽通城巴陵臨湘蒲圻地合五縣所設之官視漢
時一縣加數倍矣崇陽向設官五員今增至八員
又半倍有加矣觀此能無嘆風俗之僞人心之鑿
乎抑吾聞之一單父也戴星而治鳴琴而治或勞
或逸視夫治之之才耳爲治誠得人將使僞仍返
樸鑿仍歸渾固自身易崇非猶是乖厓行化之區
哉

